

影印

文淵閣四庫全書

第八六六冊

北京出版集團公司
北京出版社

本冊目次

困學齋雜錄	隱居通議	湛淵靜語	敬齋古今	日聞錄	勤有堂隨錄	玉堂嘉話	庶齋老學叢談	研北雜志	北軒筆記	閒居錄	雪齋筆記	霏雪齋筆	蠡海集	草子集
-------	------	------	------	-----	-------	------	--------	------	------	-----	------	------	-----	-----

元 鮮于樞撰……………一	元 劉 壘撰……………一九	元 白 珽撰……………二八三	元 李 治撰……………三一九	元 李 翀撰……………四一七	元 陳 櫟撰……………四三三	元 王 惲撰……………四三九	元 盛如梓撰……………五二三	元 陸 友撰……………五六一	元 陳世隆撰……………六〇九	元 吾丘衍撰……………六二九	元 郭 翼撰……………六四五	明 鎰 績撰……………六五七	明 王 逵撰……………六九九	明 葉子奇撰……………七三三
--------------	---------------	----------------	----------------	----------------	----------------	----------------	----------------	----------------	----------------	----------------	----------------	----------------	----------------	----------------

欽定四庫全書

子部
困學齋雜錄

詳校官給事中臣丁雲錦

員外郎臣牛稔文履勘

總校官中書臣朱鈐

校對官中書臣王瑄

膠錄進士臣王天祿

欽定四庫全書

子部十

困學齋雜錄

雜家類三 雜說之屬

提要

臣等謹案困學齋雜錄一卷元鮮于樞撰樞字伯機漁陽人官太常寺典簿書史會要稱其酒酣驚放吟詩作字奇態橫生趙孟頫極推重之是書所紀當時詩話雜事為多原本不著名氏故嘉靖中袁表跋稱撰人未詳曹溶

欽定四庫全書

困學齋雜錄
提要

收入學海類編以鮮于樞自號困學民題所居曰困學齋遂以此書為樞撰今考其書雖隨筆劄錄草草不甚經意而筆墨之間具有雅人深致非俗士所能偽托且元初諸人亦別無稱困學齋者溶定為樞作似乎可信末有厲鶚跋謂卷中金源人詩可補劉祁歸潛志之缺存之亦可以資采錄也開卷引李平許楮二事但錄舊文無所論斷莫詳其意卷

中趙復初二詩前後兩見字句亦有異同殆亦偶然雜錄未經編定之本後人因其墨迹繕錄成書如蘇軾志林仇池筆記之類歟乾隆四十四年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

困學齋雜錄

二

欽定四庫全書

困學齋雜錄

元鮮于樞撰

劉道原曰大江之南前代要服舜禹南巡崩不返葬禹非不尊敬舜也啓非不孝於其父也時享在乎廟貌魂氣則無所不之也秦漢而下崇在墓祭違經棄禮遠事尸柩難以語乎理矣
李正方腹中有鱗甲諸葛亮謂腹中有鱗甲者但不犯耳

欽定四庫全書

困學齋雜錄

許褚長八尺餘大十圍馬超問太祖曰公有虎侯者在軍中以褚有力如虎而癡是以超問虎侯任城瞿慶之云頃在東平時王子淵從容問楊叔能之詩於止軒先生先生曰叔能蚤年詩名藉甚初入京時如空村謠甘羅廟諸作楊趙諸公極口推許及自關中還所作澹不可讀大凡作詩作文但撒手掉脚便壞了

劉祭酒雲震以酒自晦常有東宮千秋節應教詩云一

年一度到青閨每到青閨盡醉歸絕勝杜陵驢背上
朝回日日典春衣又訪杜仲梁不過云壯節文章合
老成而今何況白頭生牧之賦壘今勅敵甫也詩壇
舊主盟舌在儘從陵谷變氣高常壓海山平東湖花
草西湖月不管文園舊長卿游子明尹大興公為伯
掾索句即席賦浣溪紗粉署含香舊有名庖刀試手
便嶢嶢并州人物未飄零父老共傳新政好兒童都
道長官清十分和氣滿春城春寒云東風連日暗塵

欽定四庫全書

國朝詩集

二

沙二月邊城草未芽燕子不來庭院悄定銜春色入
誰家公常遊東平嚴彥祖餞東湖亭因請賦長短句
即席作太常引東湖亭下簇金鞍四座決清歡人物
畫中看只枉了劉郎鬢斑花枝裊娜酒盃潑灑全不
放春閒綠竹舊東山暢好個風流謝安都城元夜念
奴嬌景龍天氣正餘寒料峭簾幙萬斛金蓮光不夜
香滿雲間樓閣金鐙頻敲繡簾高揭應為黃昏約霜
娥無恙喚人依舊飄泊却恨烏兔無情把人青鬢白

憇星星却千古繁華行樂地誰笑誰歌誰酌北海樽
壘東山絲竹夢裏揚州鶴客牕無寐故人誰念蕭索
得薦不過太常引耽耽九虎隔重關到天上却空還
回首謝塵寰問今日誰人姓韓瓜田蔬圃竹溪松徑
何地不堪閒且莫問長安比蜀道元來更難跋窳戚
扣角圖老眼紛紛眊戰塵十年無路覓通津一聲白
石功名奮輸與齊東扣角人

欽定四庫全書

國朝詩集

三

前宋士人山行於絕壁人跡不到處見有題詩者云鳴
梢疊葉響颼颼枕底寒聲為客留野鶴不來山月墮
獨眠滋味五更秋少前遇髯人坐大石上意其為詩
者欲前揖忽不見余謂仙人亦有未能忘情者邪
陽羨驛舍壁上題漁家傲不知何人作日月無根天不
老浮生總被消磨了陌上紅塵常擾擾昏復曉一場
大夢誰驚覺

輕諾似烈而寡信多易似能而無效進銳似精而去速
訐者似察而事煩許者似惠而無成面從似忠而退

違此似是而非者也亦有似非而是者大權似姦而有功大智似愚而內明博愛似虛而實厚正言似訐而情忠大察似明而開非御情之反有似理訟而實難別也非天下至精其孰能得其實故聽言信貌或失其真詭情御反或失其賢賢否之察實在所依是故觀其所依而似類之質可知也

詩人索吉字彥舉陝人性嗜酒工於詩客京師十餘年竟流落而死有詩集行於世今得逸詩數篇信手錄

欽定四庫全書

國學叢書

四

之無題云誰家金鴨暖梅魂繡戶春風半掩門桃葉等閒留暮雨梨花寂寞過黃昏盤盤鸞髻堆雲影澹澹蛾眉掃月痕常似謝家銀燭底鳳凰釵影落瑤尊記夢云千里嶠函楚客行關河西上鐵牛城申湖亭下月初上召伯堂前草自生十里杏園紅雨暗一條春水碧羅平覺來半壁寒燈底吹落風簷暮雪聲過沙井云沙沉石馬廢城秋劔鉞寒生古戍樓平日只疑無蜀道此行何處問荊州山連海塞從西斷水界

龍荒盡北流一曲商歌才夜半朔風吹雪滿牛頭遊

香山云石棧天梯落日紅誰開青壁削芙蓉捫參歷

井來何暮佩玉鳴鑾更不逢僧去古潭雲渡水鶴陰

清露月平松世間骨相誰潘閬誤打金陵半夜鐘潘閬

詩云頑童趁暖貪春睡忘却登樓打曉鐘送郭祐之云南口青山北口雲

天涯何地又逢君陌頭楊柳西行馬畫角三聲不忍

聞

中朝名士有以木菴陪飭賓太師陪針王狀元陪口作

欽定四庫全書

國學叢書

五

三陪圖徵詩當代名勝為一哂者鹿菴先生題云寺

主善為無米粥病人要喫沒錢針皇都詩老多才思

收拾寒酸入笑林或云始圖者太保公也

江漢先生趙復字仁復武昌之役始初渡江時寄皇甫

庭云寄語江南皇甫庭此行無慮隔平生眼前漫有

千行淚水自東流月自明又自遣詩云醉乘鸞馭到

仙家彩筆雲箋賦落霞老去空山秋寂寞自鋤明月

種梅花人甚稱之

呂龍山與趙虎岩齊名平生多佳句夏日道中一絕句
曲盡田家夏日之趣棗花初落路塵香燕掠麻池乍
頽頽一片雲陰遮十頃賣瓜棚下午風涼

杭士王子慶收西域圖閭中令畫褚河南書丹青翰墨
信為精絕意當時所畫甚多今止存四國前史皆逸
而不書今錄於此附國者蜀郡西北二十餘里即漢
之西南夷也有嘉良夷即其東部所居種姓自相率
領土俗與附國同言語少殊不相統一其人並無姓

欽定四庫全書

國朝書錄

六

氏附國王字宜僧其國南北八百里東西千五百里
無城柵近川谷傍山險俗好復讐故壘石為巢而居
以避其患其巢高至十丈每級丈餘以木隔之基方
三四步巢上方二三步狀似浮屠於下級開小門從
內上通夜必閉關以防盜賊國有二萬餘家號令自
王出嘉良夷政令繫之首帥重罪死輕罰牛人皆輕
捷便擊劒用矛漆皮為甲弓長六尺以竹為弦妻其
羣母及嫂兒弟死父兄亦納其妻好歌舞鼓簧吹長笛

有死者無服制置屍高牀之上沐浴衣服被以衾甲
覆以獸皮子孫不哭帶甲舞劒而呼云我父為鬼所
取我欲報冤殺鬼其餘親戚哭三聲而止婦人哭必
以兩手掩面死家殺牛親屬以猪酒相遺共飲啖而
瘞之死後十年而大葬

鄭畋與盧攜爭高駢請公主下嫁南蠻事携怒拂衣去
裾蟻於硯因抵之帝以大臣爭口語無以視百官乃
俱罷

欽定四庫全書

國朝書錄

七

兩浙都轉運使廉希貢中統初平章公之弟累官至正
議大夫余在運幕知公最詳公于閑人讀書畧通大
義尤喜讀易為人沉静寡言樂善有守至元二十七
年七月末旬下血適其兄叅政公以事來杭八月八
日疾革沐浴易衣冠而逝家人舉哀久之忽搖手止
哭者起坐謂其兄叅政公曰吾與兄生同胞相離十
餘年今幸遇會於此謂必能承事顏色接杯酒之歡
數月而別豈期一病至此今將永訣兄能無一杯相

餞乎時久不飲酒叅政公手斟酪漿一杯飲之且謂
曰吾父母去矣大兄去矣五弟六弟又去矣吾二人
年各五十之上死不為天勿以妻子之故亂汝身後
汝之妻子吾竭力以恤之汝去之後吾繼汝去矣公
首肯又囑其弟端夫理問及其子可忠等勉以忠孝
促令韉馬既告辭復臥而逝身後家無一錢行臺賻
楮幣五十疋乃歸中山

福州之俗冬至設醮以為引新死者見其祖如古禮祔

欽定四庫全書

國學齋雜錄

廟許公度說

中統間左相安圖嘗問魯齋釋老之說先生曰某未嘗
讀其書不知其說又問張耀卿魯齋教人讀小學其
說如何耀卿云某自幼時知童蒙始入學便讀孝經
此時小學未行于世小學乃是禮經摘出非全經不
足學左丞張仲謙從旁對曰小學之書專載童子當
為之事若孝經曾子尚云參不敏何足以知之況童
子乎又云魯齋欲興國學教國朝胄子可謂知本

閒閒宿三草寺詩云何年覲佛月天子各以寶華樓閣
居為問上方銀世界不知有此夜寒無

馬德昌收米元章書及自寫真并贊云四明從事晉陵
錢君世系字延叟過襄陽米芾曰昨送季濟明渡江
與汪行之復會蕭閒堂已撤幕壁間有君像而題曰
權杭州觀察推官米元章像楊之儀筆楊之傑贊曰
君子之友小人之讐以人方人叔度宜儔余以袖掩
字而問行之曰誰歟行之曰君也僕為檢同氣德友

欽定四庫全書

國學齋雜錄

九

識面三編無二君名姓嗚呼古人論世取友況同世哉
世復有三君子者觀文殿學士王公韶字子純樞密
直學士劉公庠字希道則僕竟不識其面選人蔡君
肇字天啓於相知間語僕若素心腹者云得僕於王
荆公蓋僕於元豐六年赴希道金陵從事之辟會公謫
居始識荆公於鍾山間公門有數後進喜爭名而相
非又託以長者之言也如天啓樂道人善者一人而
已僕老矣不知一蔡二楊行能識面乎因延叟之語發

歎并記其事於家集中以貽子孫嗚呼仕闡求進之路則世人之邪說大行紛紛不求已而非人豈其本心實利之誘然今樂善君子一何多耶彼口不道忠信捷捷而惡人翩翩而自喜默默懷奸藏匿竊竊掩人之善咕咕自標置者得不少後乎既序其事因系以詩誰起蕭閒堂圖贊凡醜質昧豈我思有懷斯士吉吾生終不過二陵已相失苟養走四方公卿更絕跡向我交漸稀背憎十六七豐吾九畹蘭任汝

欽定四庫全書

國朝詩集

十

滿林棘我豈蕭閒人偶然得空壁美哉何方彥精絕入妙筆君不愧顧長康取媚桓溫圖九錫我不愧孟浩然緩策京山遇摩詰前此交道久不康紛紛白頭多不卒嗚呼紛紛白頭多不卒回首此君應辟易山谷與秦少章書云此在告熟讀所惠詩卷如公開祭文語氣詩句極有風裁可喜合處便似吾少游語然恨在遣詞病在骨氣耳古之聞道者請問治天下則對曰去汝鄙人也何問之不豫也文章雖未學要須

茂其根本深其淵源以身為度以聲為律不加開鑿之功而自閱深矣公誠以此言為可猶有一物為公道之二十年來學士大夫有功於翰墨者為不少求其卓爾名家者則未多蓋嘗深求其故病在欲速成爾夫四時之運天德也不能即春而為冬斷可識矣承自屈訪逮故及此更占之大方之家有所聞見幸見教

此帖語在刀筆

蘇滄浪帖云草書把筆離紙三寸取其指實掌平虛腕

欽定四庫全書

國朝詩集

十一

法圓轉則飄縱之體自絕出耳

米帖朱雀橋南萬井煙輪蹄不放草芊芊天街惟有新楊柳雨色春容占一年唐中書舍人杜牧之能作此語宋中書舍人薛道祖能作此語清連老令不勝降歎述中得書筆當付便分非述可附九月與鰲同到耳

七里村一麥四穗兩岐不可勝數豐年上瑞自人和上澤汪洋似海波海角嘉年猶合穎四方和氣不勝多

即事人和訟簡契疎懷疆理文漪世少偕龍吼惠風

傳玉壘露瀼寶月乞銀淮婁公勝相崇三果袁守靈

丹健百骸夏木陰森三十畝夢回午蔭罩山齋

秘書即喬仲山云至元十年自以東曹掾出使延安道

出鄜州土人傳有杜少陵骨在石中者因往觀之石出

州市色青質堅樹於道旁中有人骨一具跏坐若生

而成者與石俱化以佩刀削之真人骨也

士大夫家收得呂忠穆公願浩訓姪帖云予自寒苦起

欽定四庫全書

國朝文獻錄

十二

家平生仕宦赴公盡瘁不敢辭難致仕將相姪擢因

祖先積慶得此一命須為門戶為孀母二幼加意守

官如後

一勤廉為仕宦勤則上位必見喜廉則吏人自是

敬服

一事監司知通極恭與同官極和

一慎言語不可輕發一談

一寡戲笑不可容易玩狎

一勿飲酒

一不可令市買在務未經稅之物

一其他一一畏慎

紹興三年正月初五日上押付擢

子貢好廢舉與時轉貨劉氏註云廢謂物貴而賣之舉

謂物賤而買之與時謂逐時轉貨謂轉貴收賤也

越人王脩竹所藏雪竇禪師真跡詩云有無盡是兩頭

語諸祖因茲不立言末代兒孫列戶牖一花五葉失

欽定四庫全書

國朝文獻錄

十三

真傳永嘉雖問曹溪路畢竟惟明自己禪器根警敏

誠難遇鑿透高原始及泉末用封字印是曾入賈秋

壑家有韓宗古敏甫時邦美朱伯原吳邦獻王元直

周仁熟鄧子常白蒙亨章致平王子助霍靜之紹聖

四年跋張浮休偈云雪竇傍邊又生一孔北邙山下千

塚萬塚兔角龜毛竟將何用仔細尋思不如珍重米

元章云一幅昏昏半已空何人重出自為工從茲萬

偈并千頃擾亂春風卒未窮

江浙行省掾高仲器收白芍藥一軸景祐元年十月七日高平范仲淹題詩其上云桐廬方正父家藏唐翰林畫白芍藥予來領郡事因獲一見感歎久之而題二十八字治亂興衰甚可嗟徒憐水調寫繁華開元盛事今何在尚有霓裳寄此花

楊叔能事言補詞氣不甚平和爭辯譏罵居多今錄數事於此

人不讀儒書以變化之無良師友以教益輔成之雖年

欽定四庫全書

田學齋雜錄

十四

至七十亦無異於十五六之時也但髮白面皺耳

密州趙德正云泰山如坐嵩山如臥華山如立

火葬天下之至慘也人子不學違聖人之訓為時世所

移憤然為之父母何罪歿而遭大戮嗚呼冤哉

老氏釋氏吾有取乎曰有老氏吾取其佳兵不祥釋

氏吾取其戒殺

京兆分司劉御史請予作寶壁詩云誰言河水濁鳴鏑

約秦境官軍闌如蟻城守申嚴警寶壁一匹夫欲汲

困短綆慷慨願自效行臺可其請從徒二十八設伏獨圍靜邏騎百蹄翻條來落電影勇士貴一決猶豫失驍猛賞功不踰日蕭鼓喧市井英風激衰輭朔氣倍淒冷

平生交遊贈余詩者多矣惟鎬京叔二篇常吟咏之憶昔逢君北渚秋藕花香裏醉輕舟三年一別空回首千里相思更倚樓明月不隨春物老碧山長帶暮雲愁天平松竹黃華水早晚柴車得共遊思君一日如

欽定四庫全書

田學齋雜錄

十五

三載兩寄詩來慰我心塵土愈知人世隱風烟遙見海門深貧來笑我常癡坐亂後憐君更苦吟歷下亭前春水濶扁舟何日重相尋

素菴以六忍寧心澄慮消禍致福一曰忍觸二曰忍辱

三曰忍惡四曰忍怒五曰忍忽六曰忍言

飲食以三十口為平過則為多不及為將病

此不知出處當考

古甲子

十干

關逢甲 梅蒙乙 柔兆丙 彊圉丁 著雍戊

屠維己 上章庚 重光辛 玄默壬 昭陽癸

十二支

困敦子 赤奮若丑 攝提格寅 單閼卯

執徐辰 大荒落巳 敦牂午 協洽未

涒灘申 作噩酉 閹茂戌 大淵獻亥

廉端父理問漢鏡銘云田民作鏡世未有位三公兮

潘轉菴題釣臺詩云蟬冠未必似羊裘出處當時已熟

欽定四庫全書

國朝詩集

十六

籌但得諸公依日月不妨老子臥林丘英雄陳跡千
年在香火空山萬木秋絕笑黃塵吹鬢客愛來祠下

繫扁舟

日休八識眼耳鼻舌身意未加識第八識詩云兄弟八個一個凝其中

一個最蹺蹊五個向外能經紀止留一個看家計第八

浩浩三藏不可窮淵深七浪景為風愛關特種根

身立去後先來作主翁不動地邊才捨藏金剛道後

畢然空大圓鏡智成無漏普照十方塵刹中

地水火風聚一區之假合生住異滅成四像之遷移三

緣和合而緣生為身為體五蘊滅謝而入死惟識惟

神

五不男天健如變半

五不女螺紋鼓角線

前淮浙發運司主管文字趙汝諫送姪婿張師道赴召

詩五絕句中云翔鸞威鳳兩同飛此日閩山是獨歸

聞說京塵迷望眼後來誰為洗征衣有一士慕佳人

欽定四庫全書

國朝詩集

十七

亦有詩云君王自愛相如賦左右安知即墨賢此語

太逼人

劉雲震祭酒題明皇擊梧圖云宮殿蕭森蔭碧梧杖

頭白雨趁花奴還留飛下漁陽鼓一曲霓裳教得無

中原士夫出處

定齋先生李獻卿字欽正河東人

陳司諫規字正叔稷山人明昌五年進士博學能文

詩亦有律度為人敦厚動有禮節南渡以後諫官稱

許古陳規而正叔不以訐直自名歷仕至右司諫卒
官子良臣今在燕中

吏部高先生鳴字雄飛崑崙人歷彰德路總管召為翰林學士至元五年至御史遷吏部尚書終於官

淄川先生楊弘道字叔能自號素菴默翁博學無所不知而不為科舉計嘗以陰仕于金遭亂南歸為唐州司戶北還終於鄉里有小亭集十卷事言補一卷行於世

欽定四庫全書

國學齊雜錄

十八

參政楊公諱果字正卿號西莽中山人金末王鶚榜登科歷偃師蒲城縣辟陝州行臺郎中北渡後復居洛陽紫陽為課稅所官辟經歷官參河南經畧司事中統改元召為參知政事告老除懷孟路總管以榮其歸致仕後卒於鄉里

轉運田時秀字彥實易縣人大定十九年進士仕至太原轉運使喜作詩為周德卿李之純賞識感興云散木不材寧適用虛舟無意任乘流百年身世槐安國

千古人情羨顏侯賦古塔云締構百年人換世消沉
千古烏盤空他類此彥實所居里名半十行第五以
五月五日生小字五兒二十五歲鄉府省御四試皆
中第五年五十五八月十五日卒造物之戲人如此

知五月五日生
者見共賦集考

太常卿舒穆魯世勣字晉卿承安中進士終於禮部尚書

子嵩字企隆應奉翰林文字父子皆死蔡州之難

戶部張德直字伯直平陽人祖邦彥字彥才張榜登

欽定四庫全書

國學齊雜錄

十九

科以富川令致仕有松堂集父迪祿字仲英明昌初
進士歷岐山上黨二縣令卒于省掾伯直貞祐三年
進士釋褐新平簿辟藍田令秩滿父老詣行臺留再
任去之日為立生祠移汙池通許召補省掾選授警
巡院使終于同知武勝軍節度使事子城今居永寧
張介字介夫彭城人正大元年經義第一人歷鞏毅熟
二縣令幼有賦聲為人有蘊藉嘗贈詩人楊叔能末
章云我貧自救如沃焦君來過我亦何聊為君欲寫

貧士歎才思殊減荒村謠

索吉字彥舉陝人性嗜酒工於詩客京師十餘年竟流落以死同時有鄭雲表者慕彥舉之為人作詩挽之云形如槁木因詩苦眉鎖蒼山得酒開人以為寫真云

道士申志貞字正之太原人嘗為道教提點住京師長春宮時道士舊傳十七人坐與釋教持論不勝落髮為僧者志貞其一也後終于鄉里

欽定四庫全書

田學齋雜錄

二十

寂通老人陳時可字秀玉燕人金翰林學士仕國朝為燕京路課稅所官

紫邏几几道人楊鴻字飛卿一名雲鵬少梁人北渡終于東平有洞然集行于世

虎巖先生趙著燕人終于編修官

南湖散人曹居一字通甫又號聽翁太原人金末登進士第仕國朝為行臺員外郎

新軒先生張伯道字聖俞

紫陽先生楊奐字煥卿又名知章奉天人以明經後進

稱為關西先生少年時自悟已前身為紫陽宮道士因自號國朝為河南府課稅所官有還山集行于世廉菴題趙輔之樊川圖云一賦阿房萬古傳豈知今有趙樊川謝公墩上王公住異代風流各自賢

高雄飛獨石詩云一塊蒼頑石頽然半水濱可憐閭立本徒寫五湖真題杜莘老華山圖上方可望不可到今日興來時臥遊須信丹青有神化世間隨處是同

欽定四庫全書

田學齋雜錄

二十一

州

內翰鹿奔先生王磐字文炳初名采齡字蕭客永年人舉于徵君麻九疇金末以易經登科北渡後為東平學官一時名士皆出其門中統初召為真定宣撫使入拜翰林學士承旨年八十餘致仕歸東平東宮命朝士祖餞仍給半俸時人榮之今近九十尚無恙仁甫趙先生復初被虜時有寄皇甫庭詩寄語江南皇甫庭此行無慮隔平生眼前漫有千行淚水自東流

月自明又詩乘雲曾到玉皇家彩筆雲箋賦落霞老

去空山春寂寞自鋤明月種梅花

庸齋先生薛玄字微之華陰人仕至河南府提學有易

解行于世

右中原名公翰墨至元乙酉得于京師庚寅裝于錢

塘直以所得日月先後次序之不敢妄有品第

京師名琴

耶律丞相春雷

金內府物銘曰承華殿春雷

玉振雷珏重修

不出戶

欽定四庫全書

因學齋雜錄

二十三

石上流泉 寒玉

宋少監毅夫寒玉

吳興沈瑒斷張鉞重修

焦仲良秋嘯

雷氏今歸天上

李子亨冠古韻磬

李陽冰篆

雲和

李勉斷今歸天上

薛道錄金磬

張鉞斷

鄭太璽

雷霄斷今在行臺太丞家

高彥敬金儒鳴玉

王安仁實腹琴

商左山寒字號

趙耶利斷

喬仲山家水清

開成元年西蜀郭諒斷崇寧四年馬希先奉聖旨重修

人人倩

陳伊埒參政黃龍至寶

百衲

吳越國王宮百衲雷威斷宋漆書槽腹黑漆

張詹事子友家

張鉞琴

李士彥三足琴

濟南姜伯惠甫家列子琴

雷氏斷

南京劉介甫家三峽流泉

唐天寶年雷威斷外刻流泉內刻三峽流泉款皆隸書

康廷臣玉潤鳴泉

唐氏斷

欽定四庫全書

因學齋雜錄

二十三

康端父瓊響

慶歷年道士衛中正斷崇寧年馬希先重修

秋籟

郭佑之御史霜鐘

前宋僧斷

游平章子明家張鉞孫枝

王郎中聲滿天地

南方物

李德新天寶雷會

郭北山新製萬壑松

無款或來自中原制度在雷右五代間錢鏐家物

夏信之雷威琴

唐懿宗時所款云威通四年秋八月處士雷威斷

馬德昌洞泉

雷氏嵩陽野史修聲細

張可與號鐘南方物臣馬希先奉聖旨重修

古器

行臺右丞李公家

世母辛卣 山敦 牛敦 周盤夔卣

秘書郎喬仲山家

文王卣正考父作文王 周鳳盃 周栗紋壺

王子慶家

商鼎 漢方壺 漢山龍壺

欽定四庫全書

田學齊雜錄

十四

弊家

商父乙鼎銘曰子父乙

商州師卣銘曰州師錫朋具用作父丁尊舉冊

商父辛彝銘曰父辛彝

周伯吉父槃銘一百三十字行臺李順甫鬻于市家人折具足用為餅爐予見之

乃以歸子

周鄧闕鼎蓋銘十八字

漢鏡二一尚方一花透光

董碩石家

商百乳彝

商山尊

商舉鼎銘曰卩

商鼎銘曰卩

商觚

周鼎

吳和之家

商右伯盃

商饗饗鼎銘象形一字

周草窻家

商兔尊

銅馬

欽定四庫全書

田學齊雜錄

十五

羅和齋

周鳳尊銘一字只

周百乳彝

商貫耳壺銘字作鳥形首有冠

楊中齋駙馬

周方鼎

周細文大羊鼎

周觚校壺舊藏余家

商小鼎一

劉耀卿

商罍 商子孫盃

商蛟篆壺銘一字